

Vom Uhrwerck.

Durch etliche Doctores besichtiget/ vnd für künstlich auch rühmlich geachtet/ vnd den zweyen brüdern fürgelegt/ darauff sie durch die Herrn Pflügen befragt/ ob sie solches wie ichs angeben vnd erfunden/ auch durch den mahler abgerissen fürgelegt/ woltē vnderstehn zu machen/ welches sie bejahn vñ bewilligten/ darauff ein verschreibung auffgerichtet ward.

Letstlich ward mir zu den vorigen zweyen puncten auffgelegt von meinē G. G. vñ den Pflügen auff dem Haus ein inspection zu haben zu diesem ganzen werck/ zu vnd von zugehn/ auch verschaffen das alles wie es von mir angeben war/ in das werck gerichtet wurde/ dann solches keynem fuglichen vnd künstlichen zuthun were/ als mir der dissens ein wissens hette/ vñ anfänglich angeben vñ erfunden/ auch auffgerissen fürgelegt hette.

Auß disen allen so ich wahrhaftig erzelt hab/ kan ein jeder leichtlich abnehmen wie mir zūmüt gewesen seye/ da ich sahe das solches alles mir auffgelegt war/ bürg zu sein für die zwen brüder/ die frembt vñ mir unbekandt warē/ dz sie solches alles mit seiner zugethon auß der Astronomischen kunst/ wie ichs angeben hat / wurden durch ihr handtwerck verrichten/ darnach das ich solte die inspection vnd anordnung versehen/ damit alles an diesem werck gemacht wurdenach dem befelch